

আন্তর্জাতিক

লিবিয়া উপকূলে নৌকা ডুবে ৫০ অভিবাসন প্রত্যাশী নিখোঁজ

প্রতিবেদক: আন্তর্জাতিক ডেস্ক

প্রকাশের তারিখ: বৃহস্পতিবার, ১৬ জুলাই ২০২৬, ০৫:২৯ PM



অভিবাসনপ্রত্যাশীদের বহনকারী একটি কাঠের নৌকা ভূমধ্যসাগরের লিবিয়া উপকূলে ডুবে অন্তত ৫০ জন নিখোঁজ হয়েছেন। ওই নৌকায় ৬০ অভিবাসী প্রত্যাশী ছিলেন। গত মঙ্গলবার পূর্ব লিবিয়ার উপকূলীয় শহর তোব্রুকের কাছে এ দুর্ঘটনা ঘটে।

বুধবার (১৫ জুলাই) এএফপি নিউজের এক প্রতিবেদনে এ তথ্য জানিয়েছে।

প্রতিবেদনে বলা হয়েছে, পূর্ব লিবিয়া কোস্ট গার্ডের কর্মকর্তারা জানিয়েছেন, মঙ্গলবার রাতে তোব্রুক থেকে ইতালির উদ্দেশে রওনা হয়েছিল ইঞ্জিনচালিত ওই নৌকাটি। কিন্তু কিছুদূর যাওয়ার পরই নৌকাটি ডুবে যায়। বেশিরভাগ যাত্রী সাগরের স্রোতে ভেসে যান। মাত্র ১০ জন সাঁতরে কাছের বারদা দ্বীপে পৌঁছাতে সক্ষম হন। পরে কোস্ট গার্ড তাদের উদ্ধার করে।

সাম্প্রতিক সময়ে লিবিয়ার উপকূল থেকে ইউরোপগামী নৌকাডুবির ঘটনা বেড়েই চলেছে। এটি তারই সর্বশেষ উদাহরণ। গত মাসেই একই এলাকায় আরেকটি নৌকা ডুবে ৫১ জন নিখোঁজ হয়েছিলেন।


প্রায় এক দশক ধরে ভূমধ্যসাগর পাড়ি দিয়ে ইউরোপে যাওয়ার প্রবণতা ব্যাপকভাবে বেড়েছে। ফলে লিবিয়ার উপকূল হয়ে উঠেছে অনিয়মিত অভিবাসন ও মানবপাচারকারীদের অন্যতম প্রধান ঘাঁটি।

জাতিসংঘের আন্তর্জাতিক অভিবাসন সংস্থা (আইওএম) জানিয়েছে, চলতি বছরের ১ জানুয়ারি থেকে ১৬ মে পর্যন্ত লিবিয়ার উপকূলে অন্তত ৮০০ জনের বেশি অভিবাসনপ্রত্যাশী নিখোঁজ হয়েছেন। নিখোঁজ ব্যক্তিরা মূলত দক্ষিণ এশিয়া, মধ্যপ্রাচ্য ও উত্তর আফ্রিকার দারিদ্র্যপীড়িত দেশগুলোর নাগরিক।

এ বিভাগের আরও খবর



তেহরান শিগগিরই [নিউ ডেভেলপমেন্ট ব্যাংকে] যোগ দিতে চলেছে: ইরানি গভর্নর
ব্রিকস শীর্ষ সম্মেলনে যোগ দিতে ভারতে আসছেন ইরানের প্রেসিডেন্ট মাসুদ পেজেশকিয়ান। আগামী ১২-১৩ সেপ্টেম্বর নয়াদিল্লিতে অষ্টাদশ ব্রিকস শীর্ষ সম্মেলন...



ইন্দোনেশিয়ায় ফের শক্তিশালী ভূমিকম্প
ইন্দোনেশিয়ায় এক দিনের ব্যবধানে ফের শক্তিশালী ভূমিকম্প আঘাত হয়েছে। ভারে ৭ দশমিক ৭ মাত্রার শক্তিশালী ভূমিকম্পের পর দেশটির উত্তর সুমাত্রা প্রদেশ...



হরমুজকে [মার্কিন স্ব্থণ্ড] হিসেবে ঘোষণা করতে চান ট্রাম্প
ইরানকে মুক্ত পরাজিত করার পর পারস্য উপসাগরের গুরুত্বপূর্ণ জলপথ হরমুজ প্রণালিকে মার্কিন স্ব্থণ্ড হিসেবে ঘোষণা করতে চান মুক্তরাষ্ট্রের প্রেসিডেন্ট...



ভারত সফরে আসছেন ইরানের প্রেসিডেন্ট

আসন্ন ২০২৬ সালের গ্রিক্স সম্মেলনে যোগ দিতে ভারত সফর করবেন ইরানের প্রেসিডেন্ট মাসুদ পেজেশকিয়ান। ইরানি সূত্রের বরাতে এ তথ্য জানিয়েছে এশিয়ান নি...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/international/libiya-upkule-nouka-dube-50-obhibasn-prtjashi-nikhonj>